

ILLOQARFIUP ILAANUT PILERSAARUT 4A4-1

INNARTALIK, INISSIAQARFIK



NUUP KOMMUNEA
TEKNIKKIMUT AVATANGIISINULLU INGERLATSIVIK
august 2008

Imarisai

ILITSERSUUT	3
NASSUIAAT	4
Illoqarfiup ilaanut pilersaarutip tunuliaqutigisaa	4
Illoqarfiup ilaanut pilersaaruteqarfiusoq	4
Illoqarfiup ilaanut pilersaarutip siunertaa imarisaalu.....	6
Pilersaarummut allamut inissisimanera	8
Tamatuma ilaatigut kinguneraa nunaminertat, illuutit sanaartukkallu inatsisit malillugit maannamutut atorineqarnerisa ingerlaannarsinnaanera, tamatuma akerlianik assersuutigalugu atuinerup allanngortinneqarnera nutaamilluunniit sanaartorneq illoqarfiup ilaanut pilersaarummut akerliussanani.....	10
Oqallisigineqarfia akuersissutiginerallu.....	11
AALAJANGERSAKKAT	12
§ 1 Illoqarfiup ilaanut pilersaarutip siunertaa	12
§ 2 Illoqarfiup ilaanut pilersaaruteqarfiusoq taassumalu agguataarneqarnera.....	12
§ 3 Atorneqarnera.....	12
§ 4 Aqquserngit, aqqusineqqat bilinullu inissiisarfiit.....	13
§ 5 Sanaartukkat annertussusaat inissinneqarnerallu	14
§ 6 Sanaartukkat silataasa isikkui	14
§ 7 Teknikkikkut sanaartukkat.....	15
§ 8 Nunaminertat sanaartorfigineqanngitsut	15
§ 9 Piginnittut peqatigiiffiat / Peqatigiiffiit.....	16
§ 10 Atuilernissamut piumasaqaatit.....	16
AKUERSISSUTIGINEQARNERA	17
ILANNGUSSAT	
Ilanngussaq 1:	Illoqarfiup ilaanut pilersaaruteqarfik, immikkoortut qaqqallu qaartiterneqarsinnaasut
Ilanngussaq 2:	Sanaartorfiit
Ilanngussaq 3:	Pilersaarutit titartagartaat

ILITSERSUUT

Illoqarfiup ilaanut pilersaarummi nunaminertat, illut nutaat, aqqusineeqqat, aqqusernit il.il. qanoq atorneqassanersut, inissinneqassanersut aammalu immikkoortup aalajangersimasup iluani qanoq iluseqassanersut aalajangersarneqartarput.

Illoqarfiup ilaanut pilersaarut nassuiaatitaqarpoq aammalu illoqarfiup ilaanut pilersaarummut aalajangersagartaqarluni.

Nassuiaatini illoqarfiup ilaanut pilersaarutip siunertaa anguniagaalu naatsumik oqaluttuarineqartarput, illoqarfiup ilaanut pilersaarusiortiusumi eqqaanilu pioreersut aammalu illoqarfiup ilaanut pilersaarut pilersaarutitut allanut qanoq atuumassuteqarnersoq.

Illoqarfiup ilaanut pilersaarusiortiusumi aalajangersakkat atuuttussaviupput.

Nunaminertanik atuineq pilersaarusiortarlu

pillugit Inatsisartut peqqussutaat nr. 6, 19. december 1986-imeersoq, aamma Nunaminertanik atuisarneq pilersaarusiortarnerlu pillugit nalunaarut nr. 23, 18. november 1992-imeersoq malillugit kommunalbestyrelsi illoqarfiup ilaanut pilersaarusiortussaataavoq:

- Kommunip pilersaarusiortarnerata piviusunngortinneqarnissaa qulakkeerniassallugu pisariaqartinneqarpat.
- Angisuumik illuliassaq, atortulersuutit imaluunniit nunaminertamik tunniussisarnerit aallartinneqartinnagit.

Illoqarfiup ilaanut pilersaarusiortussaataanermi siunertaavoq pilersaarusiortarnermi annertunerusumik ataqatigiissaarisoqarnissaa aammalu innuttaasut tamatumani peqataatinneqarnissaa anguniassallugu.

Taamaattumik illoqarfiup ilaanut pilersaarut sivikinnerpaamik sap. akunnerini arfinilinni tamanut saqqummiunneqassaaq. Taamaalereerpat kommunalbestyrelsip akerliliissutaasinnaasut allannguutissatullu siunnersuutaasinnaasut naliliiffigissavai, pilersaarut inaarutaasumik akuersissutigineqartinnagu.

Illoqarfiup ilaanut pilersaarutip inatsisitigut atuuffii illoqarfiup ilaanut

NASSUIAAT

Illoqarfiup ilaanut pilersaarutip tunuliaqutigisaa

Sanaartorfissanik nutaanik pisariaqartitsineq iluaqusiiffiginarlugu Qinnngutsinni illoqarfiup ilaata nutaartaata sanaartorfigineqarnissaa kommunalbestyrelsip akuersissutigaa. Qinnngutsinni inissialiortiterneq 2002-mi aallartinneqarpoq 2016-imilu Qinnngorput tamakkerluni sanaartorfigineqareerpat inissiat imminnut qanittut/pukkitsut, ammasut/pukkitsut quleriillu 2000-it missaanniinnissaat naatsorsuutigineqarpoq. Qinnngutsinni inissiaqarfiit akornanni nunaminertat qorsuusut imminnullu atasut allanngutsaaliorgit pisariaqanngitsumillu qaqqanik qaartiterinani Qinnngutta ilusilersorneqarnissaa kissaatigineqarpoq. Qinnngutsinni sumiiffinnut tamanut pilersarusiornermi nunatat, imminut qanissutsit illoqarfittullu inissisimassuseq pingaarnerutikkaanni ataqatigiissuseq qulakkeerneqassaaq.

Illoqarfiup ilaa nammineq qitiusoqarfilerlugu, 4C1, Pisissia, Nuummullu oqilisaatinngortillugu pilersinneqassaaq. Qitiusoqarfimmi assersuutigalugu atuarfik, niuertarfik aqqusinermut niuerfiusumut atanilik, utoqqaat ornittagaat sukisaarsartarfiillu assigiinngitsut inissinneqassapput. Qitiusoqarfiup kujataa'tungaani immikkoortumi 4B1-imi, Naternaq, inuussutissarsiuteqarfik pilersaarutigineqarpoq. Illoqarfiup ilaanut pilersaaruteqarfiusup avannaa'tungaani, 4A4, Innartalik, immikkoortumi 4B1-imi, Eqinga, umiatsianut nuannaariartaatinut umiatsialivik pilersinneqassaaq. Illoqarfiup ilaanut pilersaaruteqarfiusup kangia'tungaaniippoq immikkoortoq 4A5, Pingorsuaq, taassumalu inissiaqarfinngortinneqarnissaata tungaanut tamanna utaqqiisaasumik ujaqqeriviuvoq. Illoqarfiup ilaanut pilersaarut 4A4-1, Innartalik, atorlugu Qinnngutta allisarneqarnera ingerlateqqinneqarsinnaavoq tassanilu inissiat 165-it missaat sananeqassapput.

Illoqarfiup ilaanut pilersaaruteqarfiusoq

Illoqarfiup ilaanut pilersaaruteqarfiusoq 12 ha-it missaanni annertussuseqarpoq Qinnngutsinnilu illoqarfiup ilaani Innalinnguup kujataa'tungaani nuunnguami pinngortinneqarnerminiilli umiarsualivioereersumiilluni.

Killeqarfilersuineq

Illoqarfiup ilaanut pilersaarummi killeqarfilersuineq immikkoortukkut 4A4-kkut killeqarfeqartinneqarpoq, taannalu kommunimut pilersaarummut nr. 4-mik tapiliussartalerlugu akuersissutigineqarsimavoq aammalu titartakkami 1-imi ilanngussamilu 1-imi takuneqarsinnaalluni. Illoqarfiup ilaanut pilersaarummut tapiliussaq 4 Namminersornerullutik Oqartussanit sulii akuersissutigineqarsimanngilaq, taamaattumillu illoqarfiup ilaanut pilersaarummut uunga missingersuutitut atorineqassalluni.



Titartagaq 1, Qinnngutsinni immikkoortut

Nunap ilaa nunallu qaava

Sumiiffiup kangerliumarngup tungaaniinnera pissutigalugu tamanna inissianiit

sukisaarsartarfinniillu
isikkivigissorujussuuvoq. Illoqarfiup ilaanut
pilersaaruteqarfiusoq kujammut kimmullu
immap tungaanut innaaqqissunut killeqarpoq,
massa avannamut nunap qaava
umiarsualivioreersup tungaanut
sivingannginnerusoq. Sumiiffik kujammut
kangimut qaqqamit portusuumit
immikkoortinneqaqqavoq qaqqarlu taanna
sinerlugu avannamut sivingajaannguarluni,
taamaattorli sumiiffiup qeqqa'tungaa
malunnnateqarluartunik qaqqartaqartiterpoq.
Kuunnguaq naqerliumanikkut kuuppoq
kuunnguarlu taanna killiliussamut 4D3-mut,
Eqinga, umiarsualivioreersumut imaanut
kuuppoq.



Titartagaq 2) Nuunnguaq Innalinnguaq, aasakkut.

Illoqarfiup ilaanut pilersaarutip
piviusunngortinneqannginnerani sumiiffik
pinngortitatut attorneqarsimanngitsutut ippoq
sukisaartarfittullu atorineqartarluni.

Naasut nunallu qaava

Illoqarfiup ilaanut pilersaaruteqarfiusup
naasui tassaanerupput issuatsiaat, orsuaasat
ivikkallu aammali paarnaqutit
takussaalluarput.

Illoqarfiup ilaanut pilersaaruteqarfiup qaava
ujaraaneruvoq qaarsuunerullunilu.
Kangia'tungaanut qaqqat marluiit
akornanniippoq masarloqarfik tamannalu
issuatsiaaqarneruvoq.

Sanaartorfigissaanerni sanaartornernilu
sumiiffik sapinngisaq tamaat
innarlitsaaliorneqassaaq, taamaalilluni
sukisaarsartarfiit inissiaqarfissami
najugaqarumaartussat iluaqutiginiassamassuk.



Titartagaq 3) Ukkusissat unnukkut.

Sanaartorfigissaanerni sanaartornernilu
sumiiffik sapinngisaq tamaat
innarlitsaaliorneqassaaq, taamaalilluni
sukisaarsartarfiit inissiaqarfissami
najugaqarumaartussat
iluaqutiginiassamassuk.



Titartagaq 4) Illoqarfiup ilaanut pilersaaruteqarfiusup
avannaa'tungaaniit isikkivik

Seqineq, isikkivik anorillu

Illoqarfiup ilaanut pilersaaruteqarfiup
kangia'tunganiippoq qaqqap qaata qingartaa
seqineq kangiani pukkitsumiitillugu
seqerngup qinnguaanik assiisoq. Akerlianik
ualikkut unnukkullu
seqinnisaarluartoqarsinnaavoq, tassami
sumiiffimmiit kujammut kimmullu
isikkivigissorsuummat. Seqineq kitaanut
pilluni pukkiligaangat Ukkusissat qaqqartaat
aappalungusersunngortarpoq sumiiffillu
tamaat qaammarsartarlugu kiassartarlugulu.
Qaqqap aasaanerani qorsuusinnarluni
ukiakkut kajortittarnera ukiukkullu aputip
qaqortittarnerata sumiiffiup qaamarnganut
aamma sunniuteqartarpoq.

Sumiiffiup anorai tassaanerupput avannaq
nigerlu. Sissamiit illoqarfiup ilaanut
pilersaaruteqarfiusup tungaanut sivingarnit
sivingasuut kangia'tunganilu qaqqat qaavisa
akornanni narsaamanertat pissutaallutik
sumiiffimmi anorit suminngaanneeneri
sakkortussaallu allanngortittarpaat.

Illoqarfiup ilaanut pilersaarutip siunertaa imarisaalu

Illoqarfiup ilaanut pilersaarummi
inissiaqarfiup nutaap qanoq
ilusilersorneqarnissaa pillugu
sukumiinerusumik
aalajangersaaffigineqarnissaa
siunertarineqarpoq.

Illoqarfiup ilaanut pilersaarummi aamma
siunertarineqarpoq illunik affarleriinnik 16-it
missaanniittunik ilaqutariinnulluunniit
ataatsinut illunik sanaartorsinnaaneq kiisalu
piginneqatigiilluni inissianut
inissianulluunniit attartortittakkanut 130-140-
it missaanniittunut nunaminertanik
qulakeerinninnissaq.

Illoqarfiup ilaanut pilersaarummi, 4A4-1,
Innartalik, illoqarfiup ilaanut
pilersaaruteqarfiusumi siunissami
sanaartugassat sumut inissinneqarnissaat,
portussusissaat angissusissaallu tigussaasumik
killilersornissaat attaveqaatillu pitsaasumik
qulakkeerneqarnissaat siunertarineqarpoq.

Illoqarfiup ilaanut pilersaarummi
inissiaqarfeqarnissaa qulakkeerneqassaaq,
tamannalu ilutigalugu inissiat immikkoortunut
mikinerusunut immikkoortinneqassallutik.
Pilersaarummi ilaqutariinnut ataatsinut
illuliornissamut quleriinnillu
inissialiornissamut periarfissaqarpoq,
assersuutigalugu sumiiffimmi illunik
immikkuullarissunik. Sanaartorfissat
inissinneqarneri illullu portussusissaat
sumiiffimmi illut akorni
avatangiiseqarluarniassammata
aalajangersarneqarput, tamannalu ilutigalugu
isikkiviit attaveqaatillu salliutinniarnearput.

Sumiiffimmi aalajangersaarnert ilanngussami
2-mi takuneqarsinnaapput, tassani
immikkoortut ilaat, angallaffiit
nunaminertallu ataatsimoorussassat
takutinneqarput.

Ilanngussami 3-mi titartaganngorlugu
pilersaarut takutinneqarpoq, tassanilu
illoqarfiup ilaanut pilersaarummi

aalajangersakkat siunertallu malillugit
inissiaqarfiusussat qanoq
ilusilersorneqarsinnaanersut takutinneqarput.

Sanaartukkat imaluunniit sanaartukkap oqartussaaffigineqarnerat

Sanaartukkat portussutsinut pingasuinnut
inissitaapput, massa sanaartukkat akornanni
nunaminertat sanaartorfigineqassanngitsut.

Taamaalilluni inissianit tamanit isikkiviit
pitsaanerpaat qulakkeerneqassapput,
soorluttaaq illut tunuanniittoq qaqqaq
kusanartoq illut akornini nunaminertanut
sanaartorfigineqanngitsunut
akuliutitinneqassasoq.

Nunaminertat sanaartorfigineqanngitsut
sukisaartarfittut aasakkut ukiukkullu
atorneqarsinnaapput – assersuutigalugu
pinnguarterfittut, qaqersarterfittut,
pisuttuarfissatut aamma kaelkerfissatut.



Titartagaq 5)
pilersaaruteqarfiusumi
titartagartaat.
EQQAAMALLUGIT

Illoqarfiup ilaanut
portussutsit pingasut
AQQUSINEEQQAT

Illoqarfiup ilaanut pilersaaruteqarfiusumi ataqatigiissuseq aqqusineqqat sumiiffiup avannaa'tungaaniit kujataa'tungaanut imminnut atassuserlugit tunniunneqarnerisigut erseqqissarneqassaaq, taamaalilluni inissiakkuutaat aqquserngit apeqqutaatinnagit imminnut ataqatigiinniassammata.

Sanaartornerni nunagissaasoqassaaq, pilersaarummilu qaqqasunnat qaartiterlugit piiarneqartussat takutinneqarput, ilanngussaq 1 takuuk.

Inissiat inissinneqarfii kimmut isikkivimmut naleqqussagaapput. Sanaartukkat killiit salliupput immallu tungaanut akornuteqanngitsumik isikkiveqarlutik. Sanaartukkat taakku tunuanni sanaartukkat allat isikkiviat qulakkeerniarlugu sanaartukkat salliit ima pukkitsigissapput allaat sanaartukkanit tunorlernit akornuteqanngitsumik isikkiveqassalluni imaluunniit sanaartukkat akulloqqullugit isikkiveqarsinnaasunngorlugit sanaartukkat inissinneqassallutik.



Titartagaq 6) Isikkivinnut takussutissiaq

Sumiiffimmi tamarmi sanaartukkat assigiimmik isikkoqartinniarlugit sanaartukkat qaliaat qernertuussapput.

Inissialiortiternerni ataasiakkaani nunaminertanik uningaartarfissanik issiaffiusinnaasunik pilersitsisoqartassaaq, tamakkulu seqinnissaarfiusinnassapput, oqquisumiissallutik isikkivigissuussallutillu.

Illoqarfiup ilaanut pilersaaruteqarfiusoq immikkoortunut pingasuinnut agguataagaavoq, ilanngussaq 1 takuuk, tamakkulu assigiinngitsunik ilusilersorneqassapput. Tamatuma saniatigut ilanngussami 3-mi titartaganngorlugu pilersaarut takuuk.

Immikkoortut ilaat A: Tassani qaliaqanngitsunik marlunnilluunniit quleriinnik ilaqutariinnut ataatsinut illut illulluunniit affarleriit sanaartorneqarsinnaapput. Illut portussutsimi tassaniittut ippiup tungaanut uilukutsukkuutaartumik inissinneqassapput, taamaalilluni aqqusinermit illuniilluunniit tunorlerniit illut qulaallugit akulloqqullugilluunniit isikkiveqarniassammata.

Immikkoortut ilaat B aamma C: Sanaartukkat portussutsini marluinni sisamanik-tallimanik quleriinngorlugit sanaartorneqassapput. Immikkoortut ilaat pinnguarterfeqassapput bilinullu inissiisarfeqarlutik.

Nunaminertat sanaartorfigineqanngitsut

Nunaminertat sanaartukkanut atorneqanngitsut sukisaarsartarfittut atortulittut atorneqassapput ileqqumisulluunniit itsiinnarneqassallutik. Sumiiffik ilanngussaq 2-mi pinnguarterfittut takutinneqartoq sukisaarsartarfittut, assersuutigalugu pinnguarterfilerlugu, uninngaarterfilerlugu meeraaqqanullu pinnguarterfilerlugu aqqissuunneqassaaq.

Angallannermut tunngasut

Illoqarfiup ilaanut pilersaaruteqarfiusoq Qinnngutsinni angallaffinnut pingaarnernut ilanngussami 2-mi takutinneqartutut attavilerneqassaaq. Sumiiffik Qinnngutsinni qitiusoqarfikkut Nuummur aqqusineqassaaq. Inissiaqarfinnut/nit angallaffik pingaarneq ungasinnerusoq eqqarsaatigalugu Qinnngutsinni sananeqartussa qitiusoqarfik kangeqqullugu inissinneqassaaq.



Titartagaq 7) Q innngutsinni angallaffiit pingaarnert.

Illoqarfiup ilaanut pilersaaruteqarfiusoq immikkoortumit 4C1-imit, Pisissia, aqqusineqartinneqassaaq. Aqqusineq Qinnngutsinni aqqusinertut tunniunneqassaaq, ungasinnerusorlu eqqarsaatigalugu bussinut unittarfilerneqassalluni. Aqquserngup angallaffiungaatsiarnissaa naatsorsuutigineqarmat aqquserngup qeqqaniit illunut meterinik qulinik siunnersuutigineqartumit meterinut 20-nut silillineqassaaq. Inissiaqarfinnut angallanneq inissiaqarfiit marluk aqqusernginut bilinut ataatsimut inissisarfup tunganoortunut agguataarneqassaaq.

Aqquserngit aqqusineeqqallu

Qinnngutsinni aqqusineq.

Inissiaqarfik Qinnngutsinni aqqusinermiit qitiusoqarfimmi 4C1-imeersumiit, Pisissia, angallaffigineqassaaq. Ippik sinerlugu ammut immikkoortumilu 4A4-mi qaqqasunnaq sinerlugu qatiingasumik nuna atuarlugu inissinneqassaaq.

Inissianut aqquserngit.

Aqquserngup avissartorfianiit inissianut aqqaasinnasut aqquserngit marluk pilersinneqassapput.

Aqqusineeqqat.

Inissiaqarfinniit immikkoortunut qaninnernut aqqusineeraqartitissaaq. Aqqusineeqqat Qinnngutsinni Nuummilu aqqusineeqqanut pingaarnernut attaveqartinneqassapput.

Tamatuma saniatigut illoqarfiup ilaanut pilersaarutikkut qanittumi inissiaqarfinnut atasunut aqqusineeraliortoqarnissaa qulakkeerneqassaaq kiisalu umiatsianut nuannaariartaatinut umiatsialivimmut aqqusineeraliortoqarnissaa qulakkeerneqassalluni.

Pilersaarummut allamut inissisimanera

Siusinnerusukkut illoqarfiup ilaanut pilersaarutaasimasut

Sumiiffimmut siusinnerusukkut illoqarfiup ilaanut pilersaarusiortoqarsimanngilaq.

Kommunimut pilersaarut 2005-2014

Killiliussaq 4A4, Innartalik, Kommunimut pilersaarummut Nuuk 2005-2014, ilutsimi pingaarnermi inissianut siunertaqartunut assigiinngitsunillu inissialiorfissatut tunniunneqartoq ilaatinneqarsimavoq.

Sumiiffimmi suliffeqarfiliortoqarsinnaanera kommunalbestyrelsimit akuersissutigineqarsinnaavoq, inissiaqarfiup ilusaanik allannguisoqarnianngippat; assersuutigalugu tamanna bilinut

inissiisarfinnik amerlanerusunik
pisariaqartitsinermik kinguneqassanngilaq.
Taamaattorli kommunimut pilersaarummut
tapiliussami nr. 4-mi kommunimut
pilersaarummut allannguisoqarsimavoq.

Illoqarfiup ilaanut pilersaarummut tapiliussaq
4 Namminersornerullutik Oqartussanit suli
akuersissutigineqarsimanngilaq,
taamaattumillu illoqarfiup ilaanut
pilersaarummut uunga missingersuutitut
atorneqassalluni.

Kommunimut pilersaarummut tapiliussaq nr. 4

Sumiiffik kommunimut pilersaarummut
tapiliussamut nr. 4-mut, 2005-2014,
Illoqarfimmi sukisaarsartarfiit,
ilaatinneqarpoq killiliussamullu 4A4-mut
naleqqussagaalluni.

Kommunimut pilersaarummut tapiliussap nr.
4-p, illoqarfimmi sukisaarsartarfiit,
inaarutaasumik akuersissutigineqarneratigut
sumiiffik 4A4 nutaanik
killeqarfilersorneqarpoq, tamannalu
ilutigalugu killiliussamut 4A4-mut
aalajangersakkat allanngortinneqarlutik.
Allannguutit tassaapput inissiat 300-niit 165-
it missaannut ikilisinneqarnerat. Tamanna
illut affarleriit ilaqutariinnullu ataatsinut illut
piumaneqarnerisa allanngornerat
iluquasiiffiginarlugu allannguutaavoq.

Killiliussassatut aalajangersakkani 4A4,
Innartalik, amerlanerpaamik marlunnik
quleriinnik illunillu quleriinnik pingasunik-
arfinilinnik quleriilinnik katillugit inissianik
165-inik peqassasoq erseqqissaatigineqarpoq.
Tamatuma saniatigut
sanaartorfineqanngitsunik
nunaminertaqartitersinnaavoq aamma
sumiiffiup teknikkikkut pilersorneqarneranut
illuliortoqarsinnaallunilu atortunik
sanaartortoqarsinnaavoq. Nunaminertat
sanaartornernut atortunullu atorneqanngitsut
sanaartorfineqanngitsutut
uninngaartarfittuunniit pilersinneqassapput
imaluunniit ileqqumisut itsiinnarneqassallutik.

Killiliussamit 4C1-imit, Pisissia,
aqqusineqassaaq, tamatuma saniatigut
sumiiffik aqqusineqqat ataatsimoortut
atorlugit Qinngutta sinneranut
ataatsimoortinneqassaaq.

Illoqarfiup ilaanut pilersaarutit

Illoqarfiup ilaanut pilersaaruteqarfiusup
qanigisaani killiliussasatut pilersaarutit
illoqarfiullu ilaanut pilersaarutit tullinnguuttut
makku piviusunngortinneqarnissaat
naatsorsuutigineqarpoq:

Illoqarfiup ilaanut pilersaarut, 4C1-2, Pisissia

Tassani qitiusoqarfik aamma Nuummot
oqilisaataasussaq pilersinneqassaaq.
Qitiusoqarfimmi assersuutigalugu atuarfik,
niuertarfiit aqqusineranut niuerfimmu ataset,
utoqqaat illuat aamma sukisaarsartarfiit
assigiinngitsut inissinneqassapput.
Pilersaarummi nunaminertat sullissinernut
atuuttunut, niuertarfinnut,
inuussutissarsiuteqarfinnut aamma inissianut
300-t missaanniittunut tunniunneqassapput.

Illoqarfiup ilaanut pilersaarut sumiiffimmi
inissialiortiterneq atuarfiliornertu
eqqarsaatigalugit annikitsumik
allannguutitalerlugu iluarsaanneqarpoq.

Illoqarfiup ilaanut pilersaarummut tapiliussaq
4 Namminersornerullutik Oqartussanit suli
akuersissutigineqarsimanngilaq,
taamaattumillu illoqarfiup ilaanut
pilersaarummut uunga missingersuutitut
atorneqassalluni.

Illoqarfiup ilaanut pilersaarut, 4B1-1, Naternaq

Qitiusoqarfiup kujataa'tungaani
inuussutissarsiuteqarfik
pilersaarutigineqarpoq. Tassani
niuertarfiliornissanut, allaffiliornissanut
aamma nioqqutissaasiviliornissanut
periarfissaqassaaq. Sumiiffiup

sanaartorfigissarneqarnissaa 2009-milu
sanaartorfigineqalernissaa
naatsorsuutigineqarpoq.

Illoqarfiup ilaanut pilersaarut, 4D3-1, Eqinga

Illoqarfiup ilaanut pilersaaruteqarfiusup
avannaa' tunginnguani umiatsianut
nuannaariartaatinut umiatsialivik, niuertarfiit
umiarsualivimmut tunngatillugu sullissivittut
atuuffiit pilersinneqassapput.

4A5-imut, Ujaqquarivik, Illoqarfiup ilaanut pilersaarut

Inissiaqarfiup kangia' tungaani qaqqasunnap
qaavani utaqqiisaasumik
ujaqquariviliornissamut periarfissaqarpoq.
Ujaqquariviup Qinnngutsinni qitiusoqarfik
inuussutissarsiuteqarfillu
sanaartorfigissaanernut tunngatillugu
ujaqqanik pilersussavai. Kingusinnerusukkut
sumiiffik illoqarfiup ilaanut pilersaarummik
4A5-imut, Pingorsuaq, taarserneqassaaq
pilersaarumilu inissianut 300-t
missaanniittunut nunaminertanik
tunniussisoqarnissaa naatsorsuutigineqarpoq.

Teknikkikkut pilersuutit

Kissaq

Sumiiffik innaallagissamik
aalajangersimasumik kissamik
pilersorneqassaaq. Nukissiuutit soorlu
seqerngup kissaa, nunap kissaa il.il.
atorneqarsinnaapput.

Imeq

Sumiiffik Qinnngutsinni pisortat
imeqarfiutaannit imermik pilersorneqassaaq.

Imikoq

Sumiiffik kommunip kuuffissuaataanut
attavilerneqassaaq.

Eqqaavilerineq

Inissiat eqqaanni tamani eqqaaviit
atorneqassapput imaluunniit eqqaavinnut

containeriusunut inissanik
immikkoortitsisoqassaaq.

Bilinut inissiisarfinnut eqqaavinnik
containeriusunik inissiisoqassanngilaq.

Illoqarfiup ilaanut pilersaarutip inatsisitigut atuuffissavii

Illoqarfiup ilaanut pilersaarut
Kommunalbestyrelsimit inaarutaasumik
akuerineqareerpat tamanullu
saqqummiunneqareerpat nunaminertat, illuutit
sanaartukkallu illoqarfiup ilaanut
pilersaarummi ilaatinneqartut taamaallaat
illoqarfiup ilaanut pilersaarummi
aalajangersakkat malillugit
atorneqarsinnaapput
sanaartorfigineqarlutilluunniit.

Taamaattorli pisut ilaanni annikinnerusumik
sanioqqutsinikkut immikkut
akuersissuteqartoqarsinnaavoq. Annerusumik
sanioqqutsisoqassappat nutaamik illoqarfiup
ilaanut pilersaarusiortoqartariaqarpoq.

Aammattaaq nunaminertat, illuutit
sanaartukkallu pilersaarummi ilaatinneqartut
pilersinneqarnissaannik illoqarfiup ilaanut
pilersaarut namminermi nassataqanngilaq.

Nunaminertanik, illuutinik sanaartukkanillu
maanna inatsisit malillugit atuineq
maannamutut ingerlaannarsinnaavoq.

Tamatuma ilaatigut kinguneraa nunaminertat,
illuutit sanaartukkallu inatsisit malillugit
maannamutut atorneqarnerisa
ingerlaannarsinnaanera, tamatuma akerlianik
assersuutigalugu atuinerup
allanngortinneqarnera nutaamilluunniit
sanaartorneq illoqarfiup ilaanut
pilersaarummut akerliussanani.

Oqallisigineqarfia akuersissuti- ginalu

Illoqarfiup ilaanut pilersaarut 4A4-1, Innartalik, tamanit oqallisissanngorlugu piffissami ulloq 11. juuni 2008-miit ulloq 6. aggusti 2008-p tungaanut saqqummiunneqarpoq. Piffissami tassani siunnersuut pillugu oqaaseqaatit akerliliissutillu pingasut tiguneqarput.

Illoqarfiup ilaanut pilersaarut Kommunalbestyrelsimit suliarineqarpoq ulloq 25. aggusti 2008 akuersissutigineqarlunilu aaqqissuinikut iluarsiiissutitalerlugu.

Illoqarfiup ilaanut pilersaarut uani atuarneqarsinnaavoq www.nuuk.gl imaluunniit Nunatta Atuagaateqarfiani, pissarsiarineqarsinnaallunilu kommunip saaffiginnittarfia imaluunniit Teknikkimut Avatangiisinullu ingerlatsivik uunga saffigalugu telefon 34 74 31.

AALAJANGERSAKKAT

Kommunalbestyrelsip matumuuna Inatsisartut peqqussutaat nr. 6, 19. decembari 1986-imeersoq kingusinnerusukkut allannguuteqartinneqartoq aamma Nunaminertat atorneqartarnerat pilersaarusiortifigineqartarnerallu pillugit nalunaarutikkut nr. 23, 18. november 1992-imeersoq kingusinnerusukkut allannguuteqartinneqartoq naapertorlugu aalajangersakkat makkua aalajangersarpai.

§ 1 Illoqarfiup ilaanut pilersaarutip siunertaa

Illoqarfiup ilaanut pilersaarummi makku siunertarineqarput:

- 1.1 – inissianut siunertaqartut sanaartukkat nutaat killissaannik aalajangersaassalluni.
- 1.2 – 165-it missaanni inissialiornissanut periarfissat qulakkiissallugit.
- 1.3 – quleriinnik sanaartukkat ikittunnguannorlugit immikkoortukkuutaarlugillu silami pilerinartunik ataatsimoortarfilerlugit sanaartorneqarnisaat qulakkiissallugu.
- 1.4 – sumiiffik illoqarfittut isikkoqartissallugu.
- 1.5 – sanaartukkat nutaat titartarneqarnerat eqqarsaatigalugit Qinngutsinni illoqarfiup ilaani pioreersunut ataqatigiississallugit.

§ 2 Illoqarfiup ilaanut pilersaaruteqarfiusoq taassumalu agguataarneqarnera

- 2.1 Illoqarfiup ilaanut pilersaaruteqarfiusoq 12 ha-it missaaniippoq.
- 2.2 Illoqarfiup ilaanut pilersaaruteqarfiusoq ilanngussami 1-imi takutinneqartutut immikkoortut ilaannut A-mut, B-mut C-mullu killeqarfilersorlugu agguataarneqassaaq.

§ 3 Atorneqarnera

Nalinginnaasumik

- 3.1 Sumiiffiup atorneqarnera inissianut siunertaqartunut aalajangersarneqarpoq.
- 3.2 Nunaminertat inissianut, aqqusinernut teknikkikkullu pilersuinnermut atortunut atorneqanngitsut nunaminertatut sanaartorfigineqanngitsutut atorneqassapput.
- 3.3 Sumiiffimmi inissialiormermut atatillugu annikitsumik inuussutissarsiuteqarfiliortoqarsinnaavoq sumiiffiup ilusaanut ajoqutaanngippat aamma bilinut inissiisarfii malunnartumik amerleriartinneqassanngippata imaluunniit allatut sumiiffimmi najugaqartunut ajoqutaanngippata namminersorlutik inuussutissarsiutillit sanaartornissaat akuerineqarsinnaavoq.
- 3.4 Immikkoortut ilaanni A+C-mi aqquserngup illuatungaani kangillermi qaarusummi toqqorsivinnik pilersitsisoqassaaq.

Immikkoortut ilaat A

- 3.5 Immikkoortut ilaat A ilanngussami 2-mi sanaartorfissatut takutinneqartutut ilaqutariinnut ataatsinut illunut illunullu affarleriinnut tunniunneqarpoq.

Immikkoortut ilaat B aamma C

- 3.6 Immikkoortut ilaat B aamma C ilanngussami 2-mi sanaartorfissatut takutinneqartutut illunik immikkuullarissunut sisamanik-tallimanik quleriinnik sanaartornissanut tunniunneqarput.

Immikkoortut ilaat D

- 3.7 Immikkoortut ilaat D kingusinnerusukkut ilaqutariinnut

inissiatut kiisalu illunut marloqiusanut marlunnik quleriinngorsinnaasunik sanaartorfinngortinneqassaaq aqqusineeralerneqarsinnaallunilu.

Tamannali illoqarfiup ilaanut pilersaarummik nutaamik piumasaaqateqassaaq.

§ 4 Aqquuserngit, aqqusineeqqat bilinullu inissiisarfiit

Nalinginnaasumik

4.1 Aqquuserngit, aqqusineeqqat bilinullu inissiisarfiit pingaarnert ilanngussami 2-mi sanaartorfissatut takutinneqartutut takussutissiami takutinneqarput.

4.2 Sumiiffimmi inissiat aqquuserngi aqqusineeqqallu illoqarfimmik pilersarusiortarfiup akuerisaasa ilaattut qulleqartussanngorlugu qaammaqqusersorneqassapput.

Aqquuserngit

4.3 Ilanngussami 2-mit takutinneqartutut illoqarfiup ilaanut pilersaaruteqarfiusumit 4C1-imit aqqusineqassaaq.

4.4 Aqquuserngit imatut silissusilerlugit tunniunneqassapput:

Qinngutsinni aqquuserngit:
Bilerfissat: 6 m.
Pisuinnaat aqqutaat: 2 m.

Inissiani aqquuserngit:
Bilerfissat: 5 m.

4.5 Aqquuserngit qeqqiniit sanaartukkat minnerpaamik imatut ungasissuseqassapput:

Qinngutsinni aqquuserngit: 20 m.
Inissiani aqquuserngit: 7.5 meter.
Aqqusineeqqat: 3 meter.

4.6 Sanaartukkat aqquserngillu eqqaanni nunaminertat ukiukkut niffaqarfissatut atorneqarsinnaassapput.

Aqqusineeqqat

4.7 Pisuinnarnut sikkilertunullu aqqutit pingaarnert Qinngutsinni aqqusineq sinerlugu aqqusineearlu pingarneq nutaaq sinerlugu aammalu illoqarfiup ilaanut pilersaaruteqarfiusumi aqqusineeraliat sinerlugit pilersinneqassapput.

Ilanngussami 2-mi tunngaviusut malillugit aqqusineeqqat tunniunneqassapput minnerpaamillu meterinik marlunnik silissuseqassallutik.

Bilinut inissiisarneq

4.8 Ilanngussami 2-mi tunngaviusutut takutinneqartut malillugit bilinut inissiisarfiit inissinneqassapput.

4.9 Sanaartugassat:

Immikkoortut ilaat A:
sanaartorfimmut ataatsimut
ikinnerpaamik bilinut inissiisarfiit marluk.

Immikkoortut ilaat B aamma C:
Inissiat >60 m² – Inissiamut
ataatsimut bilinut inissiisarfiit aappaa avillugu.
Inissiat 0-60 m² – Inissiamut
ataatsimut bilinut inissiisarfik ataaseq.

4.10 Quleriinnik sanaartorfiit isaariaasa pingaarnert eqqaanni sikkilnut inissiisarfiit pilersinneqassapput, tassa inissianut marlunnut sikkili ataaseq.

4.11 Immikkoortut ilaata A-p eqqaani namminerisamik bilinut inissiisarfiliornerni inissianut aqqusinermiit aqquteqartitsisoqassaaq.

§ 5 Sanaartukkat annertussusaat inissinneqarnerallu

- 5.1 Sanaartorfinnut ilanngussami 2-mi takutinneqartutut sanaartukkat inissinneqassapput.

Sumiiffimmi sanaartukkat, atortut tamakkununga atasut, aqquuserngit, bilinut inissiisarfiit aqqusineeqqallu siunertaqarluartumik inissinneqarniassammata qaartiterisoqarnissaa naatsorsuutigineqartariaqarpoq.

- 5.2 Immikkoortut ilaanni pingasuni sanaartorfiit katillugit 24-t tunniunneqassapput. Sanaartorfiit normui ilanngussami 2-mi takutinneqarput. Sanaartorfiit imatut annertutigisut tunniunneqarput:
Sanaartorfiit A: 15 x 10 meter
Sanaartorfiit B: 16 x 16 meter
Sanaartorfiit C: sanaartorfissat marluk imminnut atasut á 18 x 18 meter
- 5.3 Sanaatornarni aneerasaartarfiit qulisaanngitsut sanaartorfinnik meterit aappaa avillugu sippuisut sananeqarsinnaapput.
- 5.4 Immikkoortut ilaanni A-mi illut affarleriit ilaqutariinnuunniit ataatsinut illut qaliaqanngitsut marlunnillu quleriit sanaartorneqarsinnaapput. Immikkoortut ilaanni B-mi aamma C-mi sisamanik-tallimanik quleriilinnik inissialiortoqarsinnaavoq.
- 5.5 Nunap tamanna ajornartinngippagu naqqup ilui inissianut siunertaqartunut atorneqarsinnaapput.
- 5.6 Ikinnerpaaffittut inissiat imatut amerlatigisut sanaartorneqassapput:

Immikkoortut ilaat A: Sanaartorfinnut A1-A16-inut agguataarlugit inissiat 16-it.

Immikkoortut ilaat B: Sanaartorfinnut B1-B5-inut sanaatorfimmuut ataatsimut inissiat inissiat arfineq-pingasut agguataarlugit inissiat 40-t.

Immikkoortut ilaat C: Sanaartorfinnut C1-C3-nut sanaatorfimmuut ataatsimut inissiat 30-t agguataarlugit inissiat 90-it.

- 5.7 Sanaartorfinni nunaminertani sanaatorfiusuni sanaartukkat toqqavimmikkut annerpaamik imatut angissuseqassapput:

Immikkoortut ilaat A: 150m²
Immikkoortut ilaat B: 256m²
Immikkoortut ilaat C: 648m²

Nunaminertani sanaatorfiusuni quit aneerasaartarfiillu ilanngunneqanngillat.

- 5.8 Ilanngussami 2-mi takutinneqartutut illut portunerpaaffissaat sinnerneqassanngillat.
- 5.9 Toqqaviup nunami pukkinerpaaffiata meteri ataaseq sinneqqassanngilaa.
- 5.10 Inissiamut ataatsimut qui annerpaamik 15 m²-iussaaq sanaartorfissallu tallissutaani inissinneqassallutik.

§ 6 Sanaartukkat silataasa isikkui

- 6.1 Illut silataasa qalipaataat qalipaattitut neonitut imaluunniit qalipaattitut seqerngup qinnguaanik utersaartitsisartutut eqqaamiunullu ajoqutaasinnaasutut imaluunniit sumiiffimmi ataatsimut isikkivinnut takujuminaallisaataasumik qalipanneqassanngillat.
- 6.2 Sanaartukkat qaliaasa qaavi 25°-i tikillugu sivinganilerlugit qalissiaallu qernertuutillugit suliarineqassapput. Immikkoortut ilaanni A-mi illut qaliaat 45°-isut

	sivingatigisunngortinneqarnissaat akuerissutigineqarsinnaavoq, illut qaliaqanngitsutut sananeqassappata aammalu illup qaavi aneerasaartarfilerneqassappata.		2-mi nunaminertanut innersuussutigineqartunut teknikkikkut pilersuinnermut sanaartukkat inissinneqassapput / pilersinneqassapput.
6.3	Teknikkikkut atortut, tassunga ilanngullugit pumpeqarfiit innaalligissallu siaruarterfii assigisaallu sumiiffiit takutinneqartut iluinut inissinneqassapput imaluunniit siunertaqarluartumik sumiiffimmut takujuminaallisaataanngitsumik aputaajaasarnissamullu akorunutaanngitsumut inissinneqassallutik.		Sanaartorfiit ilaannut tunngatillugu imikumut pumpenik pilersitsisoqartariaqarnera naatsorsuutigineqassaaq.
		7.7	Sanaartorfissiat ilaanni imikoorummut pumpeqarsinnaavoq, tamanna Nuup Kommuneanit taamatut nalilerneqarpat.
§ 7	Teknikkikkut sanaartukkat	§ 8	Nunaminertat sanaartorfigineqanngitsut
7.1	Pilersuinnermut aqcutit soorlu kuuffissuit, imermut innallagissamullu pilersuutit nunap iluatigoortinneqassapput.	8.1	Ilanngussami 1-imi qaqqasunnat sanaartornerni piiarneqartussat takutinneqarpat.
7.2	Illuniit imikoq pisortat kuuffissuataannut kuutsinneqartassaaq.	8.2	Sanaartorfigissaanerni sanaartornernilu nuna sapinngisaq tamaat innarlernaveersarneqassaaq. Nuna innarligaq isikkuatut ilerseqqinneqassaaq sumiiffimmilu qaartiternerlukut qaartiterinermi angallassinermiluunniit siaruaassimasinnaasut tamarmik piiarneqassapput.
7.3	Nunap qaavani imeq, tassunga ilanngullugu imeq illut qaliaanneersoq pisortat kuuffissuataannut kuutsinneqassanngillat, kisiannili illunut eqqaamiorisanut, aqqusinernut, aqqusineeqqanut nunaminertanullu sanaartorfigineqanngitsunut ajoqutaanngitsumik kuutsinneqassallutik.	8.3	Pinnguarterfiit atortunut sanaartukkanulluunniit atorneqassanngillat. Pinnguarnermulli atortut, issiaviit takisuut, siaasaasarfiit assigisaalluunniit sumiiffimmut uninngaartarfittut sanaartorfigineqanngitsumullu ippinnanngitsumik inissinneqarsinnaapput.
7.4	Illut pisortat imermik pilersuutaannit imermik pilersorneqassapput.	8.4	Nunaminertat sanaartorfigineqanngitsut sunilluunniit inaalitsivittut sivinerusumik atorneqassanngillat.
7.5	Illut pisortat innaallagissamik pilersutaanniit innaallagissamik pilersorneqassapput. Sanaartukkat nutaat innaallagissamik kiassaanermut aalajangersimasumut init erngullu kiassaatisaanik attavilerneqassapput. Nukissiuutit avatangiisinut ajoqutaanngitsut atorneqarsinnaapput.	8.5	Sanaartukkanut ataasiakkaanut nunaminertanik tunniussinerni sanaartugaq kaajallallugu nunagissaanissat sukumiisumik
7.6	Illoqarfiup ilaanut pilersaaruteqarfiusumi ilanngussami		

- nassuiaatigineqassapput, tassunga ilanngullugit isertarfiit, sikkiliisiviit aamma eqqaaviit.
- 8.6 Eqqaaviit containeriusut bilinut inissiisarfinnut inissinneqassanngillat.
- Nunaminertat uninngaartarfittut meeraaqqallu pinnguartarfiattut ilanngussami 2-mi takutinneqartutut tunniunneqassapput.
- 8.7 Illumik piginnittup illuutimi eqqaani nunaminertat saligaatsuutinnissaat pisussaaffigaa.
- 8.8 Immap tungaanut sivingajaani sivinngaarissuni ungaluukkiortoqartoqarsinnaavoq, tamanna isumannaalisaaanerinarmut tunngavoq.
- § 9 Piginnittut peqatigiiffiat / Peqatigiiffiit**
- 9.1 Najugaqartut ataatsimut soqutigisaannik isumaginnittussanik peqatigiiffinnik pingasunik pilersitsisoqassaaq; immikkoortut ilaannut A-mut, B-mut C-mullu tamanut peqatigiiffik ataaseq
- 9.2 Illoqarfiup ilaanut pilersaaruteqarfiusumi illuutillit immikkoortut ilaanni peqatigiiffimmut ilaasortaassapput.
- 9.3 Ilaasortaataasussat affaasa tamanna kissaatigippassuk piginnittut peqatigiiffiat pilersinneqassaaq, taamaattoorli immikkoortut ilaanni sanaartorfissatut pilersaarutigineqartut affaat atorneqalereerpata.
- 9.4 Peqatigiiffiit inissianut aqqusinernik, bilinut inissiisarfinnik, aqqusineeqqanik illoqarfiullu ilaanut pilersaaruteqarfiumi nunaminertanik sanaartorfineqanngitsunik aserfallatsaaliuisassapput tamakkunungalugu tunngatillugu nammineq malittarisassiussapput,
- tassunga ilanngullugu ukiuunerani aserfallatsaaliuinerit.
- 9.5 § 8.7-imi oqaatigineqartutut piginnittut peqatigiiffiit pinnguartarfinnik sanaartussapput. Piginnittut peqatigiiffii ukiuni siullerni pinnguartarfiit uninngaartarfiillu taaneqartut pilersinnissaannut sukumiisumik pilersaarusiussapput.
- 9.6 Peqatigiiffiup najugaqarfini pillugu Nuup Kommunea ataavartumik ilisimatittassavaa.
- § 10 Atuilernissamut piumasaqaatit**
- 10.1 Bilinut inissiisarfissatut piumasaqaatigineqartut pilerseqqaartinnagit sanaartukkat nutaat atorneqalissanngillat.

AKUERSISSUTIGINEQARNERA

Matumuuna illoqarfiup ilaanut pilersaarut, 4A4-1, Innartalik, Nuup Kommuneata Kommunalbestyrelsianit ulloq 25. aggusti 2008-mi inaarutaasumik akuersissutigineqarpoq.


Nuuk ulloq.

Asii Chemnitz Narup
Borgmesteri

/

Niels Kreutzmann
Allaffissornermi Pisortaaneq

Angallateeqqanut talittarfik



**ILANNGUSSAQ 1: Killiliussat aamma
immikkoortukkuutaat
4A4-1 Innartalik**

-  Illoqarfiup ilannut
pilersaarusiorfiup killinga
-  Immikkoortup agguataarnerata
killeqarfia
-  Immikkoortup agguataarnerata
suunera
-  Qaarsoq qaartitigassaq

0 50 100
meter



Nuup Kommunea
Teknikkimut avatangiisinulu
Ingerlatsivik
Journal nr. 16.04/4A4-1
August 2008
Ækvdistance 0,5

ILANNGUSSAQ 2: Sanaartorfissiat 4A4-1 Innartalik

-  Illoqarfiup ilannut
pilersaarusiorfiup killinga
-  Immikkoortup agguataarnerata
killeqarfia
-  Sanaartugaareersut
-  Kipkote
-  Najukkami aqqut
-  Inissiaqarfinnut aqqut
-  Aqqusineeqqat/tummeqqat
-  Inissiineq
-  Nunaminertat sanaartorfiun-
ngitsut ataatsimoorussassat


0 50 100
meter



Nuup Kommunea
Teknikkimut avatangiisinulu
Ingerlatsivik
Journal nr. 16.04/4A4-1
August 2008
Ækvidistance 0,5



Angallateeqqanut talittarfik



**ILANNGUSSAQ 3 - Takussutissiaq
4A4-1 Innartalík**

0 50 100
meter



Nuup Kommunea
Teknikkimut avatangiiisilu
Ingerlatsivik
Journal nr. 16.04/4A4-1
August 2008
Ækvidistance 0,5